

lar. salicis & simil. singulor. sumendo m. i. additis floribus nenuph. & violar. sing. p. i. Abluti pedes detergendi non sunt, nonnunquam panno linteo inuoluendi.

Denique in doloribus capitis, destillationibus, ruffi quetiam ex humore à capite delabente fieri solent lotiones pedum tempore somni ex herbis capitalibus.

### De Suffitibus.

#### C A P. LVIII.

*De suffituum  
usu & con-  
jectione vide*

*Aegin. lib. 7.*

*c. 22. Oribas.*

*10. coll. 19.*

*Aetium tetr. 1.*

*ser. 3. c. 144.*

*compositio-*

*nes varia a-*

*pud Oribas.*

*3. sympos.*

*Myreps. sect.*

*21.*

*Aetium tet.*

*4. ser. 4. c.*

*122.*

**S**uffitus vel ad voluptatem, vel ad sanitatem cōficiuntur. Ad voluptatem ex suauiter olētibus, vt styrace, ladano, benzoino, ambra, moscho. Ad sanitatem vero quædam ex odoratis, quædam ex fœtidis: quædam ex odoratis & fœtidis simul mixtis. Odorata variant ratione formæ. Quædam enim fiunt forma rotunda, eaque maiore, quæ poma odorata, poma ambrae dicuntur. Vel minore forma, cuiusmodi mulieres vel collo suspendunt, vel manibus conuoluunt.

Fiunt autem ex ambra, moscho, zibetho, quibus adduntur carbones salicis, partim ad molem augendam, partim ad nigredinem conciliandam. Vel fiunt in forma trochiscorum, cuiusmodi sunt trochisci pro fumo vulgati, trochisci de alypra moschata. Vel ad formam oblongam, quæ auiculæ cypriæ vulgo vocantur. Hæc excipiuntur mucilag. gummi tragac. vel arabici in aqua rosar.

mu-